

Nuuk ulloq 02.10. 2015.

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquq imaattoq saqqummiuppara.

(inatsisartunut ilaasorta, Anthon Frederiksen, Partii Naleraq).

**Naalackersuisunut apeqquq/it:**

1. Aalisartut inuusuttut qaleralinniarsinnaanermut saarullinniarsinnaanermullu akuersissutinik peqareertut, nunatsinni kommuneqarfimmiit kommuneqarfimmut allamut nuukkallarneq pissutigalugu kommuneqarfimmi allami aalisarnermut akuersissummik nutaamik pissarsisinnaavaa ?
2. Apeqquq 1-imi akissut aappiuppat – akuersissut pigeriingaq ukiut marluk pingasulluunniit qaangiunnerini, akuersissutip tigoqqinnissaanut qanoq periarfissaqarpa ?
3. Apeqquq 1-imi akissut naamiuppat – aalisartoq kommuneqarfimmut allamut nuukkallartariaqarsimasoq qanoq ililluni inuussutissarsiutiminik (aalisarnermik) nangitsisinnaava/ingerlatsiinnarsinnaava ?
4. Aalisartoq inuusuttoq inuunini tamaat aalisarnermik inuussutissarsiuteqartoq, kommuneqarfimmut allamut nuukkallartariaqarsimasoq, kommunimi allami aalisartsinnaanermut akuersissummik tunineqarsinnaanngikkuni, qanoq ililluni meeqqaminut ilaqtaminullu pilersuisinnaanera nanginneqarsinnaava ?
5. Ilumoorpaa ? aalisartoq inuusuttoq kommuneqarfimmiit kommuneqarfimmut allamut pissuteqavilluni nuukkallartariaqarsimasoq, aalisartutut inuussutissarsiorsinnaajunnaarlugu pisortaniit piiiaaffigineqarsinnaavaa ?
6. Aalisarnermik inuussutissarsiorsinnaajunnaarsitaasinnaanermut inatsisitigut aaliangersagaqarsimapput, inatsit taamaattoq FN-imi inuit pisinnaatitaaffiinik aaliangersakkanut naapertuunnerluni ?

**Tungavilersuut:**

Aalisartut ilaanniit saaffigineqarnera tunngavigalugu apeqquiti qulaani taaneqartut naalakkersuisunit akineqarnissaat piumasara. Tassami inuit aalisarnerinnarmik inuunertik tamaat inuuniuteqartut, aatsaallu inuususeruttortut, kisianni aappaasup nuliaasulluunniit ilinniagaqarnera pissutigalugu kommuneqarfimmut allamut nuukkallartariaqalersimasut, taamaattumillu aalisarnermut akuersissutiminik sumiiffigisimasamini atueqqikkallarsinnaangitsup, kommuneqarfimmi najungarilikkamini aalisarsinnaanermut akuersissummik nutaamik pissarsisinnaanera aalisartumut ajornartorsiutinngortinneqartarsimasoq paasinarpoq.

Taamaaliornikkut inuit aalisarnerinnarmik inuussutissarsiuteqartut, aningaasarsiorsinnaanerminnik inuussutissarsiutiminnillu paaaffigineqartarsimasut ilisimatitsissutigineqarpoq. Ilumut taamaattoqarnerluni aamma taamannak aalisartut inuussutissarsiorsinnaanerminnut pisinnaatitaaffii FN-imi inuit imminnut pilersorsinnaanerannut pisinnaatitaaffiit aaliangersakkanut maani aalisartut pineqartarnerannut naapertuunnerluni ?

Ullut suliffiit qulit qaangiutinnginerini akineqarnissara kissaatingaara.